

Ո Ր ՈՇ ՈՒ Մ N 752/1
/վարչական տույժ նշանակելու մասին/

«13» օգոստոսի 2020թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Գ.Հ.Գալֆայան» ՍՊ ընկերության (ՀՎՀՀ 01232218) տնօրեն Գրիգոր Գալֆայանի (անձնագիր՝ 158674880, հասցե՝ ՀՀ, ք. Երևան, Բագրատունյաց 11) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Գ.Հ.Գալֆայան» ՍՊ ընկերության անվամբ թիվ 05100022/220619/0016734 տարանցման հայտարարագրով Բավրայի մաքսային կետ-բաժնով ՀՀ տարածք է ներմուծվել 20,568.15 կգ ընդհանուր քաշով բեռ, որը 24.06.2019 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի ավարտը բեռի վերաբերյալ մաքսային հայտարարագիրը չի ներկայացվել մաքսային մարմնին:

ՀՀ ՊԵԿ Արարատյան մաքսատուն-վարչության բացթողնման գլխավոր մաքսային տեսուչի կողմից 13.07.2020 թվականին «Գ.Հ.Գալֆայան» ՍՊ ընկերության տնօրեն Գրիգոր Գալֆայանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 13.08.2020 թվականին ժամը 10:00-ին, ինչի անցկացման վայրի և ժամանակի մասին ծանուցումն օրենքով սահմանված կարգով առաքվել է «Գ.Հ.Գալֆայան» ՍՊ ընկերության տնօրեն Գրիգոր Գալֆայանին:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:


Այսպիսով, վարույթի նյութերով հիմնավորվում է, որ «Գ.Հ.Գալֆայան» ՍՊ ընկերության տնօրեն Գրիգոր Գալֆայանը սահմանված ժամկետում թիվ 05100022/220619/0016734 տարանցման հայտարարագրով Բավրայի մաքսային կետ-բաժնով ՀՀ տարածք ներմուծված բեռի համար մաքսային հայտարարագիր չի ներկայացրել, որի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար «Գ.Հ.Գալֆայան» ՍՊ ընկերության տնօրեն Գրիգոր Գալֆայանին ենթարկել վարչական պատասխանատվության՝ տուգանելով **50.000 ՀՀ դրամի** չափով:
2. Որոշման մասին հայտնել «Գ.Հ.Գալֆայան» ՍՊ ընկերության տնօրեն Գրիգոր Գալֆայանին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:
3. Որոշմամբ նշանակված տուգանքի վճարման հաշվեհամարն է **900005024055-ը** (**ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27**):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԿԱՐԵՆ ԲԱԲԱՅԱՆ